

重修高淳縣志

庚部

卷十九

篤行

好義

卷二十

隱逸

藝術

流寓

仙釋

卷二十一

藝文



高涇縣志卷十九

篤行人物七

宋甘文政字從甫涇北甘氏祖也年十九遊太學逾歲升上舍同列推爲非百里才性嗜禪不樂仕進縣東保聖寺羅兵燹政於嘉祐三年捐資重建殿宇法堂山門如舊鐫名柱礎至今不磨明邢璣字廷美一字增二性孝友以庶母尹有乳哺恩奉如生母庶母守節者三人皆事如尹焉性疎財嘉靖甲辰大歉代邑人輸賦出粟賑饑贖罪徒八十餘人施棺置義塚孝子宋德以救父誤傷人爲辯明得末減關中王某流落江南以獲罪鬻妻爲之代贖仍館之三載閩人陳某以病來投隨卒厚葬之立石表墓又石工陳某因父罪典居五十金久而忘之後以價贖辭不受復贈以金胡達等以盜罹辟屬株連璣爲之申解蓋家素饒高涇縣志

卷十九

列傳 篤行

一

於財一當緩急輒不惜百千金拯之故受德者衆他若折券棄責修橋梁解宇不勝枚舉有司榜於旌善亭曰積財能施處爭能讓屢舉鄉賓以子世榮任兵馬司受封季子世仁任錦衣千戶廕一子孫繼本領鄉書爲賢宦別有傳

周卿字宗政執已峻上與人謙和父早卒母靳氏遺孕七月而生卿甫六歲言及父輒欷歔泣家素窘及爲諸生受餼得甘膳奉母備極色養性又好施與少有餘卽卹親族已膺歲薦未仕而卒子慎爲蘄水令

張著字一明性孝友歲薦次在兄先著謂兄遲暮固以貢讓後授

順德府判遷均州守皆以慈仁稱

孔惺漆橋人謙謹醇厚嘉靖間歲饑道殣惺出穀賑之施棺掩骼族中貧無室者助其婚娶府院舉德行賜爵一級

柳夢陽字一復性恬雅禔躬謹飭偕兄鄉試兄病躬治藥餌遂不  
赴後以貢授汝甯府訓導致仕歸時胭脂河塞倡議疏鑿人多稱之  
吳允才弱冠爲弟子員以端謹孝友稱父被難百計求解竭力事  
繼母撫幼弟家徒四壁束脯不充卒無子人其悼之

史希仁事嫡母劉至孝母以已姪爲嗣及析產以膏腴讓之嘉靖  
辛酉大水出粟賑饑全活以千數

邢繼芳字惟馨髫年入泮以父命肄業南雍授湖廣留守經歷清  
恪守職署沔陽州篆築沙陽堤有功民祠祝之以母病歸時年  
六十常伴母榻愛其弟讓以公產姪貧割產助之年八十有八  
子三伯仲皆歲薦孫振羽萬曆甲午舉於鄉

魏涑字維源志行純潔嘗除夕入肆賈人誤出二金卽明告却之  
宿邸舍有女子來奔拒不納人重其行以子成忠貴贈知縣

高淳縣志

卷九

列傳 篤行

二

孔一儒字惟道鴻臚序班遷益都縣丞性惇篤善撫弱弟以慰母  
意姪某失配代完其婚

邢世榮嘉靖間由附貢授東城兵馬司遷潞安府判有邊功以艱  
歸樂善恤貧嘗築襟湖堤造永濟橋遠近賴之子繼本任衛輝知府

韓錫光邑庠生原名仲齡號與九副使叔陽之孫也崇正九年見  
邑人苦於浮糧詣闕上書部議改折留滯三載遂卒於燕後櫬  
自燕歸邢孟貞賦詩傷之見石臼集

陳時見四歲喪母及長哀痛不置有文譽以廩生入太學不及仕而卒人咸惜之  
黃銘嘉靖間以例貢任乾州判矢心冰蘖年四十致仕恪謹謙和

周邱宗戚

張倫字世序性好施正德九年荒穀溥貴倫膺區役捐困代衆輸  
之弟价好讀書倫不欲分其心遂讓以祖宅自構數椽居焉价

感憤力學得歲薦任漳州府判

卞士邦性純篤樂施予年六十乏嗣妻徐氏潛爲納妾後各舉男  
壽至九十

邢仕敬萬厯二十二年歲貢授松溪教諭立心愷悌凡士之貧者  
悉資膏火卒於任多士立碑以志思焉

孔一德萬厯二十七年以例貢授光祿寺監事孝親敬兄尚義輕  
財惜早世未克竟其志

楊嚙字秉獻博學能詩初分縣舉諸生中原惡長者經營建造嚙  
身其事不遺餘力嘗鬻產代人輸納國課鄉里義之

傅洲幼失怙恃育於兄比長事兄如事父撫姪如子嘗治糜飼饑  
置義山施棺木子增生汝達亦以孝聞

陳九品字惟擢性至孝母劉氏病顙天願以身代獲愈平時有齟  
高淳縣志

卷十九

列傳 篤行

三

齟之者每談及輒流涕諸子叩其人答曰而知之終將銜之無  
以爲也間居喜書傳晚年慕禪卒之日與家人訣曰吾將逝矣  
仲子當受薦已而萬善果領鄉書後膺贈典長子時善爲上虞  
尉三子達善食餼宮庠

邢繼寬字惟嚴性平易弱冠遊庠數試不偶以例入太學任貴州  
臬幕有治行監永甯稅商大集人頌之賑貸播流監放軍糈報  
竣膺獎檄讞沙鋪王嘉猷殺人大獄一讞而服兩臺交獎陞陝  
西行都司經歷念母老解組歸萬厯戊申大水寬積粟十困有  
掠之者官將置法寬悉爲求釋知縣高其義延賓者七有子八  
咸以作吏居鄉食報云

曹永廉父以勤學成疾廉割股和藥以進得痊享年九十九卒廉  
廬墓三年昆季六人析居甘受瘠產猶子讀書者嚴督給貲有

史某鬻妻子養母葬父廉具棺贈穀二十石俾一家相保

陳時鑾字鳴我生甫八月失恃撫於繼母性至孝竭力奉養居喪哀毀極至援例爲太和尉遷東蘭州倅濟人利物民頌其德劉良國輕財樂施歲大禋鬻產以濟貧乏四十無子買妾趙氏見而疑之詢知其有夫與子者亟遣還不取原價更資以衣裳年六十一生子守拙克自成立孫閔儒爲遂安令

夏晔幼喪母哀慕無已嘗棄金還妾捐資訓弟姪周恤寒士鄉人稱之

王思誠字宇麓以字行補邑庠生父好善以思誠爲弟好德嗣思誠事之若一性簡約嘗作四處箴曰處心惟恬處家惟嚴處官惟廉處世惟謙子薇以恩選授溫縣令

邢秩字廷濟秉性孝友慷慨樂施生平輒多義舉且有幹濟才嘗高瀆縣志

卷十九

列傳 篤行

四

建宗祠置陡門造渡筏人稱頌之

陳達善字可珍少穎悟年二十爲諸生學使荆奇其文拔食餼與仲兄萬善並有文名時稱聯璧

孔一望邑庠生事嫡母至孝性好施萬厯戊申水荒出穀賑饑當事嘉之著四書毛詩日知錄行世

陳毓靈字自西靈川令九思子也生於靈故以靈名讀書過目成誦兩登副車性至孝事嫡母如所生父病革猶以氣續於喉娶魏氏不慧或勸更擇靈曰中饋之事已有任之者遂偕老學使以優異獎之

劉存德字崇吾嘗設里塾教子弟周濟窮乏始有聲庠序尋入太學同儕有失金者妄疑其人德爲力辨其誣晚年艱嗣因猶子克家遂遣妾去萬厯間捐資修築長慶圩鄉論重之

邢繼初制行磊落濬胭脂岡以消水患任浙省鄞邑主簿築湖利  
民民咸頌焉

夏匡靖字甯華少時嘗露宿場圃有隣婦來奔靖正色曰豈爲貧  
所使亟歸吾當贈汝婦慚去與之粟三石歲除賊入其室與以  
米使去終不以火識其面萬厯間水潦沿湖田屢遭衝決靖叩  
憲特疏減稅後由國學爲甯夏都司經歷時邊境多故員役不  
備靖以一人兼數務而游刃有餘邑中有狼噬人靖禱關聖狼  
斃於廟時方之異政格虎投文馴鱷云

陳時柏少貧信義自持後頗饒裕與諸商往鳩茲值風舟覆柏奮  
身拯救多人併撈貲數百悉還諸商已橐盡失不顧人高其誼  
柳本嘉增生端方淳慤以孝友聞闈試擬捷不果家寒素拯厄濟  
乏意曠如也

高淳縣志

卷十九

列傳 篤行

五

夏國卿字石渠輯四世孫增生居家孝友足跡不履公庭弟早卒  
撫三姪如已子見推於鄉閭

夏霖字伴松七歲失怙事母王氏以孝聞與諸仲季同寢食因淳  
邑虛糧受累毅然控各憲並兩次叩闈萬厯二十四年得減折  
民困稍甦

孔應隆光祿監事一德子早遊太學有聲訓迪子姪務遵家法淳  
之改折首任勞勤謁闕里衍聖公器重之族人推爲宗祭酒

楊思學字太初十三遊庠十七食餼以歲貢任錢塘縣丞志恬守  
介撫按以循吏獎薦之隨致仕歸植桑課農不與他事

李茂春字君和讀書食貧有憐之者以金贈春曰貧士之常何不  
相知若此卻不受夙與韓仲雍爲研席交雍任黔學使招之不  
往餽亦不納以澹泊終其身

邢如斗字觀之初任惠州府幕以才能稱遷樂清主簿催科有法蓄洩有方民被其惠戊午大旱舊傳雁宕山石潭有龍禱之輒應民亟請如斗冒酷暑徒跣百里始及潭拜禱不越日雨如注參政張明德勒石以紀其績後陞密雲經歷不赴

王焜字時光穎姿好學早年卽有聲膠庠篤於行誼色養二人友愛諸弟舅氏張御史應亮銘其墓曰文行兼優時稱良士

吳宗德字思塘幼孤能自立性耿介不逢時用晚年閉戶精研歷數諸書人咸資之孫會暉舉於鄉

孫思聘字元彝孝子舅孫也兒時事父母飲食必先嘗父母有命跪受之父卒哭泣躄踊哀慘深至母病顛涕洟不寢在膠序文章行誼藉藉人口子鶴雲鶴旬爲諸生以孝謹好義稱

劉定瀾爲人任俠天啓二年修築廢圩利賴甚廣歲稔出粟貸貧

高淳縣志

卷十九

列傳 篤行

六

始祖宰墓藁葬悉力清理捐田二十畝供祭祀贍子姓

邢一謙字汝益增生秉性端方居家孝友尤慷慨仗義本邑丹陽湖草場被占謙與同里劉應騏力控撫按業得復淳至今賴之鄉里有紛爭取衷片言人謂其排解有魯仲連風焉

孔應模字生白幼孤隨母育於外家及長好施子凡親族貧不能娶者捐資助之鬻妻者出金以全其偶飭躬教子卒成名士

陳時養有善行兼多能敦建學工匠畢力經營歲饑施粥以濟里人永濟橋圯捐資修築知縣方詳請巡按兵道獎之年七十三魏繼仁愿慤醅厚好施予鄉閭推重按院楊春茂題旌善人

陳洪範生而穎異試屢冠軍事嫡母沈色養備至有病親嘗湯藥母逝哀毀逾禮天啓二年以歲貢授常州訓導卒於任

魏繼孝字一心萬厯間授魚臺尉厯淮府奉祀正致仕歸養親盡

孝兄弟友好賑貸親族不責其償晚以詩書自娛

李瑞春性慷慨萬厯戊申水荒出粟三百石賑饑崇正辛巳旱倡首賑濟棺暴露者施地以葬年九十乃卒

國朝吳舉南字登之性孝友持已甚嚴接物以恕傾囊濟厄綽有季布風子會璋領順治辛卯賢書

葛美瑀字鳴都弱冠補弟子員有聲藝林天性孝友多隱德義利截然遇人窘急多方拯卹之教授鄉里寒士不給者授之餐且資膏火焉閉門著述議論奇偉有大海篇傳家錄娛老集諸書更有三無論謂命相地理俱不足憑天道福人厥惟立德云年八十猶篝燈披閱不倦子二長至煥次黃裳太康令

吳宗禹言動不苟爲鄉先達所引重厯年九十有五當事題其堂曰三樂

高涇縣志

卷十九

列傳 德行

七

陳祖禹忠厚傳家竭力孝養明崇正七年舉善人按院李以名上聞禮部授冠帶

楊國惠素性醇謹好行施子明萬厯間水災鬻已產以給賑里人食其德

劉以甯字允靖庠生父鴻緒好施甯克承厥志每夜靜必記功過嘗書一語於案云作事不敢居功起念惟祈免過後舉優行

楊明秩七歲喪父事母盡孝至老未識公門崇正辛巳荒里人鬻妻者秩子金全其耦於子姪輩每以倫紀相諭鄉稱仁孝逸民史正謙字遜之事父母曲盡孝養撫幼弟成人妻卒不再娶生平倜儻敢論事又雅好施嘗有旅人負罪行乞言得十數金可釋正謙如數予之不問其姓氏亦不以其事語人後考授縣尉不謁選家居課子凡遇知名士俾之就正子秉直成進士



孫汝驕字公偉性朴誠操履醇潔無疾言遽色望而知爲長者事繼母孝黨族稱之好讀書博覽子史行文一宗先正晚年推爲宗督薰其德者甚衆邑侯敬慕之屢膺賓筵其他仗義博施不可枚舉子四俱有聲庠序長子奏順治庚子辛丑聯捷

葛至煥字文美慷慨好施相國圩塗泥坊當徽宣下流每苦衝潰煥倡義捐貲石螿長隄百餘丈至今賴之己未歲祲有句容雷某攜妻孥七口鬻於途煥憫之爲賃屋以居日周薪米春歸贈以種穀子長祚成進士

夏一湧字溇陽九歲失怙恃殯葬如成人禮及長收養族孤全人夫婦有客販米百餘石湧見里中乏食卽代借分給不取券明年賣已田以償其值里人德之

芮鼎重字調明家貧篤學耄年不倦爲士林模範九入棘闈未遇高溇縣志 卷十九 列傳 篤行 八 纂經書講義子楷裔孫牙胄克紹書香

邢仕乾字健甫繼寬子事親備盡孝思母病侍湯藥惟謹不解衣帶者累月弟仕貽遺腹生乾教育成立均已產予之里人高其義爲諸生不專事帖括著有歷代帝王世系圖考職方備覽等書督宗族十載子弟率循禮讓子振岱歲貢生振岳副貢三歷劇邑陞邛州刺史

唐明善字汝勉性嗜古并善書淹博彬雅士咸親之灑落不治垣宇赴燕都值周相國纂修史書與襄實錄銓選山西曲沃主簿未赴任而卒長嗣懋清順治乙酉領鄉榜

唐明學字汝敬秉性孝友祖病疽嘗爲之吮尤博通經史好學至耄不倦獎誘後進如恐弗及其子姪之才者給以膏火以勸成之生平率多厚道人無間言

陳澆楨字在已賦性聰穎博通典籍早年遊庠試輒前茅而困於  
場屋爰著作林下以垂世生平雅好施予完人婚配解排紛難  
有負之者置不問人服其量尊經閣及本宗祠尤加意振興蓋  
本其父瑞雲遺訓云以子悅巨貴贈奉政大夫

谷大賓素性善良家業以好施盡縣治至滄溪十五里途圯石裂  
賓因捐貲三百金修礮至今行者歌於途年七十舉一子

曹明一字貫之庠生爲人長者嘗遊沈壽民門下沈甚器之坐好  
客家道中落邑侯李創設義館延爲師數月病卒

吳會蘭字君馨篤學力行弱齡食餼試輒高等恂恂如無能者惟  
以教授爲事足跡不入城市子中袍廩生

邢襄字文煥幼擅文譽以歲薦授江陰訓導勤於學課不愧師儒  
之目士之貧者分俸錢給之因奉檄驗荒衝暑遘疾卒於任

高瀆縣志

卷十九

列傳

篤行

九

芮朝良字以吉淹貫羣書生三子城垣培孫鎬鉉鎮曾孫源灝俱  
有文名大宗伯朱稱其學窺二西門多問字之車操堅百忍邑  
重循牆之望蓋實錄也城祀鄉賢

谷憲德字昇甫以醇謹端慤爲衆所推明末疫作有舉室僵臥者  
德持藥餌糜粥存問族黨病者感之子起鳳歲貢生

周來朋字錫我賦性端方年十五遊庠教授生徒精勤不倦嘗館  
徽郡有婢於牕外挑之朋明日卽辭歸不告以故

趙昌二性持正爲時矜式鄉里有構率就而處分未嘗遽赴訟廷  
有善化鄉爭之目數延賓席

劉士恒字貞叔敦行孝弟以和樂名堂嘗捐居室以爲義館并給  
膏火之資晚年尤喜咏歌以適其志從弟士珩行誼亦同

王景清字右文少攻舉子業年逾三十未得志於有司益勵操修

矜名節敦禮讓廣仁慈嘗督理家政增廣祀田子字康熙癸未進士爲連江令

吳偉字尊一在鄉校三十餘年已乃謝博士去然學中素推馴雅士濱邑里役苛索之患戶或罄所有以償尙不免鞭扑康熙丁戌間縣令政苛逾常耗費視前更甚一爲里長而傾者歲以百家計偉旣身其毒又憤邑之積患莫紓也毅然思革除之於康熙二十三年結所親丁煒慷慨陳言大吏獨排衆論忍公庭之辱履危難不少避比數載各憲深憫其情業將裁汰宿弊而官胥紳士盤踞爲利仍媒孽於中致憲令中格不行偉赴懇展轉且廣約邑中氣誼之士爲輔自鬻產以周其用十年始得比他州縣剔除殆盡當其晉謁臺府善論列委曲敷陳利病當事靡不心折首肯及與衆人語則又訥然如不勝故能不激不隨無

高涪縣志

卷十九

列傳 篤行

十

洩機事以要於成其生時涪民已家爲主而視之及沒無不感泣偉之次子霆字商巖廩生工詩文尤善繪事時已去里役矣游令莅任思稍稍變通延霆置門下禮遇最隆意霆可左右也霆堅持不可謂悖誣先人不孝以民創痛諷令不誼令益敬禮之迨劍津陳令治涪復修加派之役名船工稅民錢已登計籍霆首倡訴於大吏役得寢而登籍之錢復償民

丁煒字寅先諸生性愿慤才鋒不露常感涪之罹於里役與同里吳偉思廓清其弊一日集邑之人士於公所諮謀僉同然煒沉默寡語言或疑其朴拙未能肩乃重務及已首列獨一意孤行不畏強禦不恤險阻屢歷控籲無倦容其家素厚於貲因里役幾蕩其半念是役不寢餘貲亦難保聚遂欲罄捐所積以從事又生平尙廉隅薄聲勢見里中有以里役故被拘囚箠楚者身

家已破而輕儇無知之徒翻訾爲刑餘不齒之於閭黨間爲大不平於中遂矢願發憤操持尤堅康熙二十三年總督于公禁革里排其錢糧悉令官征官解他州縣少少剔除而涇獨視舊較甚煒不憚再四陳詞且盡發胥吏狡藏之窟大絕衿徒染指之謀幾十餘年而後重宣于公禁約立花戶去里長名色涇民之累乃得盡甦煒與吳偉之卒也涇民援鄉先生得祀於社之義議立祠享之而合祀縣令張霞山象翀蓋告革里排之會文移上下霞山實主之鄉紳有修先世之怨於霞山者故爲阻抑事不果行

傅上達字樂生少有梗槩里族跣跣輩見之多畏避嘗籍於校結交名流門有長者輒好作詩陶鑄性情老而不倦有逸軒集農隙語如干卷

高涇縣志

卷十九

列傳 篤行

十一

邢之鵬字五雲一字萬里迪功郎繼序孫少尹仕樞子也由庠生入監考授直隸州同居心忠厚素行孝友敦倫尙義之事難以枚舉卽如捐大宗田四十畝上妥先靈爲闔族衿耆福胙之費捐小宗田三十餘畝澤及五世之親列祖墓祭亦各捐田以垂永久祠宇傾圯獨力修造糜費不貲里中有社如先農祀典乃方范氏義倉遺意捐田一百畝迄今賴之生平尤多陰行潛德人所不及知者生子四長本豐有文行次本姬別有傳次本岐次本稷孫復易等有功學校題請候旌春秋丁祭給胙永爲例

楊珂泰字聲侯庠生賦性嚴正孝思尤篤年至七旬言及劬勞輒涕泗橫集其教授生徒每視其人之所短卽於講究經旨中曲爲開導不徒課以帖括也嘗著五經彙要等書長子純伯康熙

甲午舉於鄉

陳際會字惟仁庠生宿困於里役會因約丁吳諸義士力控上憲實費多金經十一年而後改革闔邑感之又於獅子渡倡率造舟以濟行旅推主祠事虔祭典修家乘嚴規條均有足稱焉孔鐸字振鐸郡庠生毓善仲子嗜書治生之暇未嘗釋卷遇文行兼長之士必加意尊禮語及典記疊疊或至徹夜生平抑強扶弱公直持大體又好施每歲暮視族中貧者餽之粟肉有假貸者弗稍吝或折券焉至如漆橋圯捐貲修葺歲歉量力賑給人咸推長者云

王輅字重先弱冠文辭秀發超邁諸昆事親達甫敬行色養母劉逾八旬中風疾在牀禱者七年嘗藥視膳罔間兄輔年八十餘衣服酒漿必敬奉之課子勤讀尤尊師暨績學之儒生平慷慨

高涇縣志

卷十九

列傳 篤行

士

康熙戊子圯破以產質於徽客取貲均族度荒至今猶慕其德邑令蜀南趙舉爲宗祭酒旌以德星彙聚

趙近涿字祖生恭謹忠厚初繼叔爲嗣及叔有子仍歸生父兩盡孝養事兄嫂極敬愛雖異居與兄猶同餐傳服兄老爲預備棺衾歿則厚撫其子若孫爲受室給產贍之又好施予凡親黨貧乏靡不沾漑者康熙戊子己丑間歲荒疫助賑施藥餌及櫬槨之屬鬻妻者爲之留至如修宗祠鬻宮及城隍廟諸事孜孜如不及邑侯暨學師歷贈以扁併製詩文壽之舉鄉飲賓以大年終

邢新周字西生少讀書以時寒棄舉子業閉門謝外務敦古道然諾不欺家頗豐而粗衣淡食留餘以周窮乏完人之室不記其名輸人以金不取其券教子必延名師同族子弟有貧不能

讀者輒引之就學脯脩皆不計焉年七十有七忽謂諸子曰余於某日逝矣家人未敢信至期果正襟端坐不病而卒

李公國字甯魯少孤曲體母志家雖窘母欲解推無纖毫難色子居祺嘗以孝行著且素性剛方矜鯨寡抑強禦鄉黨重之

葛廷簡字文晉父自亮字龍生尙義樂施自縣治抵龍溪鎮三十里路苦泥濘亮捐貲鑿石計二千五百餘兩至周貧解紛之屬善蹟尤多簡承世澤持品端嚴鍵戶耽書弗獵聲譽羣推士林楷模雍正丙午歲大祲輸粟賑饑不下千金他如請改大學倡修文廟公廨建宗祠祀田設義倉並一切施濟之事不可數計爲宗祭酒十七載族人守禮法無不率者督學兩舉優生撫臺許公斌稱其才堪羽儀王國黼黻鴻猷辟薦孝廉方正授承德郎以備 召用性恬淡不樂仕進年六十三卒遠近惜之子

高瀆縣志

卷十九

列傳 篤行

十三

際時榮時俱庠生

許士宗郡庠生大父之雲順繼母出妻兩置義塚父聖榮孝繼母如之雲年逾六十爲親滌溺器減價糶穀告貸焚券建橋濟人土宗綽有祖父風添設義塚山兩號其力拒富人築硿免苦辛圩爲壑訟救勢家佔葬管姓祖山爲其留妻子衣食之終身尤卓犖不可及云士宗病子廷梅嘗盡以奉養世其家

劉實字鳴玉負姿穎異爲文力主先正步武鄉薦後家居三十載閉戶著書足跡不履公府內行尤篤弟婦張氏未婚守志實爲立嗣撫育教誨踰於所生嗣子夫婦俱夭有遺孤三實顧復如慈母然生平言芳行潔正已率人足爲士林模範

孔傳鶴字鳴臯少聰穎試屢冠軍食餼叔毓儀歷任山右隨學焉援例貢入成均策以北上用展濟世才因少失恃父年耄遂辭

旋里生平不立異矯俗而品槩自卓姪允擬之孟嘉之盛德云  
夏嘉庠生有行誼執喪致哀嘗施蚊帳棉絮歲暮給族中貧者粟  
孔傳煜字煥章剛介不隨俗可否見不善雖尊行不稍假以辭色  
人每嚴憚之然又平易近情未嘗絕物事親孝嘗到股療母病  
尤敬禮文士士故樂從之遊生平持大體不屑屑繩墨間遇事  
則又分肌劈理動中肯綮人莫能過凡邑有公務不惜數百金  
爲用乾隆元年 詔蠲攤充錢糧首倡額憲雖爲當事阻抑而  
數年間意氣踴躍不衰亦可謂見義勇爲矣每歲暮必計村中  
貧者給米穀又嘗捐置本支祭田以祀其先其敦本睦族又如  
此卒之日友人史菽諫之曰古心古貌歿世難忘殆非阿好云  
楊大壽性端凝入孝出弟舉充族長解紛排難數十年族無風牙  
雀角之爭邑侯張重其人贈以額曰德行軼倫

高瀆縣志

卷十九

列傳 篤行

十四

楊聯璋性好善會礮路建廟所費不啻千金又捐田入祠給士人  
考費周濟孤寡本族有貧乏不能婚娶瘞瘞者輒助成之嘉慶  
十九年 邑侯霍贈以惠周桑梓之額

姜開元字昇伯雍正年間昉古鄉學建造書房族中子弟咸肄業  
焉乾隆癸酉 邑侯朱公請赴賓筵贈以額曰一鄉善士

史喬瑜號崑圃國學生性孝甫十歲餘父卒躄踊哀痛如成人禮  
見者咸器之事大母小心謹慎日侍左右不離性好善族人無  
子者往往解金爲之立後惠之所及多有人不能知者教子必  
以義方設家塾屢延名師子期綱孫大人長仁一邑庠生三位  
三舉孝廉餘皆業儒

孫名時字用清邑庠生勤學好問晝夜勿輟年五十始受知於督  
學尹補博士弟子員處家孝友人無間言與儕輩周旋一秉直

道嘗曰人生率真而已何顧文爲人有不合面折可以片言解  
遇公事勿避嫌怨輒奮袂爭先族人薰其德而善良者甚眾子  
錦以郡庠生 恩榮入翰林

孫再奇字倫伯秉性公正事親以孝待弟以友生平慷慨好義年  
凶見饑寒者惻然出廩粟賑之無定數後以爲常家雖中落晏  
如也大尹欽及司鐸盛義其行題孝友可風匾額其堂年九十  
三易簣之前定化日及期盥頽顛未設位危坐取筭藏 欽賜  
絹服衣之拖紳笑而逝

孫曰周字炯文秉性樸誠務敦古道居家克遵禮法治喪不用僧  
道惟以孝悌友恭忠信勤儉相敦勉力學能文數奇不過杜門  
謝客足跡罕入城市終身無一事赴訟廷爲時矜式者五十載  
子大勳邑庠生縉有父風

高瀆縣志

卷十九

列傳 篤行

五

邢紹發學名紹昂字楊伯國學生兄庠生紹旦以公憤忤當事者  
致破產食貧時紹發與兄析箸久分受遺產亦因兄同盡貧亦  
如之一日鬻田得數十金曰有此少贍朝夕吾兄養殮不繼將  
如之何遂割半與兄并不使家人知子之寬之醕俱庠生

邢塏庠生字茲珂號玉川性直耿篤於孝友見義力爲凡邑中公  
事如建襟湖橋造文昌宮等件靡不踴躍從事董書院十餘年  
諸資整頓惜遭際多艱鬱鬱以終

夏叔典字典常性孝友好施予與諸弟讓產推多受少辭美受惡  
有漢薛包風母袁氏晚得癰疽疾事之惟謹九年如一日子學  
佐克承父訓

夏達亨字坦如少讀書解悟遲鈍不能速得及得終身不忘爲文  
佶屈孤傲不隨時格性剛直疾惡惟嚴居平讀史至前代奸狀



嘗拍案大呼怒髮衝冠凡有不平事雖夢寐中亦叱呼罵詈故其時村中雖有不法見達亨莫不俯眉併喘拱揖道左其見憚於人如此然一聞已過則又唯唯受命

夏懋綸字敦如事父孝嘗買一僕不忍別父憐而縱之不取其直子九範增廣生酷有父風

夏雨人生九女並育之夢神賜以子屬其當作戒溺女文後刻有萬萬不可溺女集行世

夏錦榮字迺題國學生敦品力學好讀經史尤精左氏傳所言多天道福善禍淫事父文炳歿遺券三千餘金請於母孔氏悉焚之遇僮夫犯而不校受業於進士陳維屏二載呂文節公五載學業日進而困場屋與弟迺楷同援例入成均文節公贈以句云儘望出藍誇雋品且看飛白寫吟箋病月餘易簪前一日猶高涇縣志

卷十九

列傳 篤行

六

誦朱程性理子四長大勛三樹勛俱國學生次煥勛試用訓導四周勛優廩生

夏友荷幼承庭訓長師事邑孝廉邢抱直後訓徒不出門鄉里罕覩其面年少失偶不再娶撫姪爲子晚舉茂才旋以引年例登賢書

夏林國學生字定裕性正直廉潔有器度犯而不校樂善好施賑濟饑寒僱人收拾字紙焚化每歲不怠有券千餘金多貧乏者悉焚之子文源辛酉拔貢孫翊虞廩貢

劉畛性慈祥友於兄兄從征域外畛泣下沾襟曰父母非兄在膝下不能解憂兄可體親心侍養弟當代往後勦賊亦著勞績魏詳拾遺金追其王不及待數日其人至還之

吳位升字士型附貢生 誥封奉直大夫父震軾乾慶閩兩受

旌給品級絹肉湖南學政盧旌額古道照人藩憲許旌額維國  
之琛藩憲康旌額輝九筵期邑侯霍旌額宜有是福乾隆乙巳  
捐賑邑侯李旌額樂善不倦卒年九十六升道光間邑侯許創  
建書院簽爲諸董領袖勸捐最爲出力詳請賀藩憲給予議叙  
加級事載學山書院志道光辛卯捐賑邑侯許旌額樂善不倦  
其餘善端不勝臚述世德相承閭里稱善門焉子七人四貢成  
均三入太學曾孫壽恭壽寬俱歲貢生

姜開鏡字昆伯守正不阿孝友兼至捐資礮路周濟貧苦乾隆己  
未年 邑侯趙公高其行誼推爲鄉飲賓旌以德望素隆之廬  
姜開坤字順伯年十七失怙十九失恃率其兩弟努力成家鄉黨  
之內排難解紛不留餘力有無相通不吝己財所謂克自樹立  
忠厚待人者

高瀆縣志

卷十九

列傳 篤行

七

杭兆奎國學生好善樂施篤行不倦檀溪慶豐橋壞諸董恐經費  
不足議架木爲橋奎以木橋易朽不如甃石耐久首輸銀四百  
兩交董事遂造石橋亦見好施之一端云

趙仕奎公正排解取與不苟朝不謀夕淡如也素稱爲一鄉善士  
值鄉飲推爲介賓固辭不獲乃受

趙經品自幼貧苦父賢中避難不知所之品稍長慨然涕泣曰天  
下豈有無父之子刻意尋訪於山東得其父屍負骨歸葬

趙友鵬孝事雙親母吳氏病久侍奉不怠割股和藥以療至親戚  
不得食者亦出穀以濟之

趙友秀性篤孝割股以療母病

陳悌儒家貧而裕性慷慨道光初大水備料救圩圩決賑濟貧民  
施棺藥埋枯骨賞膏頰巨邑侯許公詳請奉 旨建樂善好施

坊

谷毓莪礪東山埂石路七里築郵亭於宣邑雙橋其子孫克承先志捐義田修公祠遇災助賑週恤里鄰人以善門稱之

孔廣英號載崖由國學候選州同 縣憲霍以品行端方舉充鄉

長奉 衍聖公府劄委任族長恭膺 賜贈封典乾隆乙巳大

旱英出穀六百石以助賑又倡捐移建節孝祠督修明倫堂施棺木給棉衣置義渡田鄉里窮乏常予錢米完婚繼絕善行頗多著有一晒園詩鈔後經兵燹稿本散軼無存

孔廣俊號澹如國學生議叙九品厚積好施氣質聰穎屢試棘闈不售事兄如父至老彌篤嘉慶甲戌歲歉捐穀六百石賑濟貧民 上憲聞其事給予惠保三湖匾額

濮陽鑾邑增生性純謹父歿時母懷三月孕而生家徒壁立零丁

高澇縣志

卷十九

列傳 篤行

夫

孤苦賴織紡度日鑿幼時便知怡色柔聲小心承順其天性然也及長就學勤讀年十五六時經義子史淹博貫通因母病床十餘年躬親炊爨孝養無缺僅恃筆耕爲生年三十餘始有室視膳問寢無異平時及母喪哀毀骨立慟不欲生立志廬墓族人以週歲兒無依勸之歸至春秋祭祀涕泣奉事如在時年五十四卒蓋終身孺慕云

曹用洪幼穎悟讀書祇解大義秉性孝友作事慷慨有鬻妻者代留之有紛爭者排解之有貸不能償者焚其券造橋修廟輒倡舉不辭

曹繡虎字文 吳邑庠生生平用力於天崇 國初諸名家三舉優

行屢薦棘 兩肄業於鍾山書院刻苦太過成疾而卒士論惜之張必昕必新一弟也素性孝友必新任渭南時承 命赴西域辦

屯田事暇念兄年老偕與俱往但西域苦寒堅冰在髮墜指裂  
膚昕不<sub>堪</sub>艱辛佐成其事挨戶捐種不派民間爲<sub>兄</sub>兩盡  
誠慈後<sub>兄</sub>致仕歸人嘗見其兄弟怡怡云

趙鴻邑庠生生平居敬窮理以躬行實踐自期每日正言危坐功  
過必錄事親盡孝母有疾奉湯藥衣不解帶者數十日及母卒  
哀痛哭泣水漿不入口而形容骨立幾至滅性毀生親友力勸  
始進勺飲三年內號泣不已終身孺慕戚里皆稱道之<sub>光緒十九年旌</sub>  
史懷直邑廩生持躬正直詩書至老不輟鄉後學慕其德而善良  
者頗多非公不入公門偶至亦不言私事邑侯王公嘗稱其有  
古人風

傅孟蘭歲貢生操守耿介博學能文在郡庠時屢試冠軍望而知  
爲有道之士

高瀆縣志

卷十九

列傳 篤行

九

王執中號竹溪邑庠生爲人閒靜寡言不矜才智好讀書不預外  
事事親思孝嘗因父母疾病親奉湯藥不脫衣而臥者月餘人  
皆重之

楊自超邑庠生秉性忠厚正直少失怙事母盡孝見困乏卽分館  
金周恤之有貧而溺女者輸其錢穀而撫養之旋於里中倡設  
育嬰會所全實多咸豐四年粵匪入境淫虐自超極力規勸被  
賊刀拷頻死而辱罵不已賊亦憐而舍之後逾月而終聞者莫  
不流涕曰古之遺愛也

楊茂林邑庠生少岐嶷以孝友自飭以聖賢自律家貧力學枕史  
菲經幾於無書不讀邑侯王公覽其文嘆爲偉器屢試秋闈不  
售設教於鄉一時遊其門者多英才壬戌秋負母逃難至金保  
圩母病歿茂林亦號泣以殉焉

李傳閱字聘甫性寬厚亦慷慨嘗過湖濱有某將鋸墓樹鬻賣者其樹高大遠近皆望見且關固城湖船隻收口每遇晦明風雨舟子賴之閱多予其值曲留之未幾某復鋸倒賣去閱知之值某謂之曰何故不留某嘗曰我鬻我樹於爾何干閱不辯而去又過同姓李家壩見祠宇傾倒遂取囊金助修之本族渡船閱獨自修理不推諸人洵善人也

史鳴直太學生慷慨樂施族中有絕嗣者輒爲立後嘗於路拾百金還主不受謝董修尊經閣勒石不刊名子允甲字寅齋歲貢生就直隸州州判爲人善繼父志撫異母弟庠生允戊等極友愛鄉有貧而鬻媳者出資留之非公事不至公庭董建書院邑侯許贈額曰義重培英鄉薦兩次不售授徒爲事一時遊其門者多知名士孫曾多遊庠兼補廩膳者殉難案襲雲騎尉

高潛縣志

卷十九

列傳 篤行

三

張玉成國學生少孤事繼母極孝與弟兆達最敦友于弟逝世姪德鳳在襁褓倍加撫綏稍長與子開業文茂延師訓誨業鳳俱入庠遇邑中善舉靡不慷慨樂施咸豐六年粵匪至境遇賊不屈被割去兩耳血滿襟袖越日遂亡

卞煥芳性耿介勤學攻苦屢試未售至老志猶不衰終其身恪守禮法族中人咸敬服焉春秋祭奠必致齋肅衣冠禮儀備至自辰至午方終若戀戀不忍舍者子入邑庠

唐允華蔣公潭老農也家饒裕性至孝割股愈母病中夜焚香告天香龔村間嘗於城浴箱內拾遺金數十兩守候其主至卽償還里中有貧鬻妻媳者華慰留之且借貸焉親友有急不能自存者輒周濟之家道中落破產不悔年四十七村遭回祿華獨免且於是年始生子人以爲善報云

卞志字以南邑庠生父國學懷瑗品行爲一鄉望喜倡興義舉志克承父訓性復耿介不阿篤於名教不干外務母姜氏病床數載親侍湯藥病篤衣不解帶者數月卒哭泣盡哀及父卒另構一屋供木主事奉如在年六十肅衣冠正席而終子孫曾三世俱列膠庠

吳錦字如暉貢生勤謹篤實建大成坊督憲高贈匾曰泮水含輝御史潘贈匾曰古道忻傳邑侯蔣贈匾曰偉略冠羣

吳伸字佳士州同銜道義持己謙恭接人倡捐重建大成坊督憲高贈匾曰猷著膠庠乾隆五十年歲款出千金以賑饑撫憲閔贈匾曰惠周桑梓續修宗譜閩族贈匾曰誼篤宗盟

吳謙字吉士生平好義不喜事不爭名不徇流俗乾隆五十年歲歉與叔銓兄伸共襄賑務撫憲閔贈惠周桑梓匾額次年春見災民青黃不接管嘆曰吾恨力難普濟只可於就近加恤焉因按戶計口散給百餘金一時頌聲載道

胡英字會治增廣生孝本性成庭幃定省深得歡心及二親繼沒哀毀骨立柱而後行服闋未嘗見齒晚年秉宗政百廢具舉族人賴之

吳晉溥字旦侯國學生素性坦豁族人欽其範推爲宗長每遇歉歲必發倉粟以分賑族里邑侯趙贊曰所云是亦爲政者其吳處士乎因顏其額於祠曰是亦爲政

吳以仁字志尙生平慷慨仗義好善樂施嘉慶甲戌歲彌月不雨農家無力車戽仁僱工人車湖水庇蔭村田以救大眾禾苗次年二麥有秋聽貧者取不與較至今村中人猶稱道之村東有古廟名前西社傾圮已久眾人捐資重建值歲歉捐者力不能

繳仁竭力助之變產以玉成其事

張煒號良齋增生讀書以收斂身心爲事一時目爲老成典型教授鄉里先品行而後文藝以故鄉人獲益者衆嘗語人曰吾生平自揣不悞人子弟

張克岐號敬輿廩膳生讀聖賢書而用之於家政同姓丁口頗繁一以孝友睦婣率之族中鮮爭訟者人謂其得聖賢齊家之道焉

姜文炳邑庠生字子九篤於孝友應事明敏三應鄉試屢薦不售邢自業字芸書號硯田歲貢生少失怙家素豐有田五百畝其兄蕩然一光後訓徒度日仍給兄衣食沒齒無怨言

夏光亨邑庠生長子近魯次子庠生近鳳兄弟和好俱有孝行近魯曾因父病割股

高滄縣志

卷十九

列傳 篤行

三

夏賡韶字元取補博士弟子員坦夷樂易如處女老僧渾然不見圭角而其中介然以辨融貫經史爲文瓌譎險仄光怪不可言狀喜飲酒酒後展書疾讀五行並下有族人無賴嘗控辱之賡力雖能勝而願與以錢釋之故人謂其度量之宏尤人所罕及云

夏毓耀字廷佐幼失怙事母有至性母疾侍湯藥必嘗而進撫諸弟友愛甚篤性嚴正好施予族中有寒士應試而力不逮者資其行子修和國學生孫時入泮

夏愛棠號樹屏幼清貧性孝友且耕且讀有古人風嫉惡維嚴數十年間鄉閭不聞有游閑子弟課徒精勤不倦文章風格在正嘉間補增生後爲親擇壘舉子業習堪輿子欣榮國學生

夏道明字希文幼穎悟家極貧力學敦品寡言笑鄉中游蕩子弟

皆畏憚不敢肆久之皆化爲善教讀森嚴有法善談性理繩墨諸生必以黜異端爲準

胡恒字濟剛太學生性友愛正直家素封邑有義舉輒捐多貲乾隆乙巳歲大旱邑侯集城中殷實者數人捐金以爲賑粥資而恒與焉事竣邑侯上請於憲給匾額獎之人爲之榮而恒不色喜或曰有善不旌將何以勸恒始受之

姜開權字純伯方正狷介不習脂韋嚴毅自持不苟言笑排難解紛無不竭力遇有窮苦告貸卽解囊以應之

姜兆鵬字圖南生質岐嶷賦性慷慨少讀書應童子試輒列前茅時蹇未售抱才見屈平生秉禮親賢樂善好施

姜兆熊邑庠生讀書講學礪公路訓族人家有額曰士林篤行

姜國和字位中素性好施捐田入廟有典田者還其券永不責償

高瀆縣志

卷十九

列傳 篤行

三

趙經戶字而啟秉性孝友持躬謹嚴尙義好施鄉里賴之邑侯陳聞其賢贈匾延爲鄉飲賓

趙友瑜公正誠實品冠鄉鄰人皆以賢能稱邑侯贈齒德並茂匾以旌之

趙秦彭生平好善品行端方邑侯霍慕之以品冠鄉里匾額旌其宅詳請充鄉飲賓

曹會鼎字敦書號新鼎廩膳生八歲能文補博士弟子員文行兼優名震藝林學使稱其文章氣格清厚年甫三十餘而卒士林惜之

曹楫字志德號履舟廩膳生生而靈敏淹貫經史小試三元年甫及冠卽食餼名重一時然讀書過於刻苦行爲多迂時稱爲書癡先生



楊映川字與進邑庠生生平嚴氣正性以禮法自持鄉里咸敬憚之無論放侈輩不敢爲其所見卽衣冠不正者亦聞聲而退避焉其莊敬之足以懾人如此而學問之深純文章之精密猶其餘事耳

李春茂國學生字廷魁仁厚正直事父母以孝聞待昆玉以友著延師極其誠敬課子不惜家資子維淵弱冠入庠

李齊保國學生字子佑性豪舉孝友敦厚乾隆乙巳歲歉慷慨輸粟邑侯贈匾額曰六行兼優

李拱辰字庚廷廩膳生性耿介閉戶潛修不苟取與里黨有爭訟者聞聲卽釋晚年尤好學臨終亦捧書而卒

李培基字延士宗名傳閣爲人有個儻才事親勤謹友愛昆弟道光癸未督理圩務邑侯秦旌以匾額曰梓誼可風戊子督建學

高瀆縣志

卷十九

列傳 篤行

十五

山書院邑侯許復旌以匾額曰邑政同勳

李春暉邑庠生字士舉號晴溪性最孝生平樸實公正好激勸後人咸豐間鄉里推爲團長邑侯念其賢勞保舉六品軍功辛酉倡義勦賊不克殉難死後入忠義祠

李溶國學生字景星少孤事母孝順宗族有要舉獨任賢勞道光已酉大水圩決無力興修溶與族兄林挺身借貸同勦厥事

劉仲孜字君伯號約齋好施予里族貧乏悉周之督修塗泥坊并廣濟橋勤勞懋著

吳琳字秉心公直處世謙和循古道不履城市解忿爭無不畏服一時咸以義士稱之

吳桂字桂五性秉和厚行尙端方里人推爲約長邑侯旌其堂曰南極騰光

吳彩彬字仲樸董理公事勤勞備著毓寰宇清醕之氣而運以樸魯真無懷葛天之儔也

吳銓字如昇貢生謙和謹守才智兼全督建祠宇不計辛勤閭族贈匾額曰功名柱石乾隆五十年歲歉與姪仲謙解囊賑饑撫憲閱贈匾曰惠周桑梓

吳元溥品行端方學業淹貫守真抱樸先正典型西蜀趙公顏其額曰望重儒林邑侯又顏其額曰三澗碩彥

魏永思字叔明歲貢生剛方正直不墮俗而能易俗里黨咸推重焉

周士大字元之氣度溫醕居心廉介督家政數十年族鮮爭訟至今猶慕之

孫昌仕字陞先為諸生能文章居家孝友兼盡鄉里至今稱之高瀋縣志 卷十九 列傳 篤行 三

夏敷字命二母邢氏年二十四守節經年數與妻楊氏事之極孝母或命之跪嚴寒過夜不敢起稍有病則衣不解帶焚香呼籲求以身代

陶日新號省齋邑增生生而端行知步性孝友母病兩載時時籲天求代道光時大水兩次出貲散給其鄰平道路瘞枯骨惜字

惜穀諸善舉皇皇如治己之私是獨善亦兼善者

夏向亨字九如性拓落有大志少孤貧甚厚解以與人一時親族待舉火者甚眾蘆溪東有古港久淤塞亨捐金八十兩率人疏之秣陵人戴仲一貧欲鬻女亨慨贈數十金令攜去

夏長漢年甫弱冠有孝行母死家貧飲泣三年而歿里人莫不嘆惜子象炳孫三林與森俱國學生次孫樹侯選巡檢

李合相素性樸直不好結納端人有比鄰監生卜登芳相與心契

知交莫逆咸豐六年賊匪竄境登芳被獲勒索吊打相知之赴賊哀求願死不償一時賊怒既殺登芳相亦被殺合棺之死也因友而死亦重義而死舍生取義篤行可風

姜開先字允伯宗族稱孝鄉黨稱弟朋友稱信嘗謂善者不矜而莫能過之成人善而功必歸之且謂其有鹿門高隱之致

陳會霖庠生立身制行古道照人好刻陰隲書以勸善一日還帳書坊按月加息不受另易他物酬之友于兄弟鄉黨欽重道光初年嘗舉孝廉方正堅辭不願中止其弟會昌會時俱在庠事兄甚恭忠厚存心遇地方善舉每竭力捐助昌嘗董書院及各項公事時辦事精明嘗董修大成殿因兩兄在常潛心力學當時稱兄弟競爽者必首推焉

趙夢庚字士步 恩賜副榜唐昌正鄉士志氣剛直度日秉性正

高淳縣志

卷十九

列傳 篤行

五

直咸豐十年粵匪到境聞精醫業烈令治傷者不取與之食不受忍餓數日自投棺內囑令老婦爲之葬其屍已入祀忠義祠

卜庭芳郡庠生號匡廬父志品行爲一鄉望其少承庭訓耿介不阿嚴氣正性望而知爲有道之士子慶祥孫國珍俱列膠庠適縣修志書諭充採訪是年七十有六秋八月在局病歸未及竣事而卒

孫九麟弟九鵬俱聰慧習書史兼事丹青彬彬有儒雅風家貧業漁時石臼湖有老蚌爲祟每出現水爲沸騰麟鵬泊舟遇之麟將沒呼弟曰我不能生汝急逃弟曰生同生亦死同死耳後得其屍猶相抱未脫其妯娌楊氏張氏亦誓同心守節知縣項給以義門雙節匾額

趙懋聖少有品望順治丁酉歲士人欽其善行共推爲鄉賓己亥  
邑侯紀公贈以額曰齒德並尊

趙鼎臣性忠直鄉里共尊雍正丙午舉鄉飲賓年逾七十邑侯陳  
公獎以品重三湖叢公旌以虞庠碩選

劉正瑚字文夏雍正丁未年饑邑侯趙舉督賑事實惠普沾并出  
已穀以補不足邑侯獎額曰好善長民

姜開愷才識過人剛方自持雍正年間捐資倡建桃花澗茶亭爲  
行旅憇息夏則煮茗冬則薑湯俾解寒暑亦樂善好施者流也  
其族人姜朝助姜開震姜開忠姜國華姜培賢姜培懋姜培麟  
姜培茂姜培椿姜培昇姜承愷俱敦品行

趙略字象賢性孝友樂施予弱冠遊庠品學兼優堪爲士林模範  
曹宏臣字聖玉品行端方鄉閭矜式族人曹文敏邑庠生性嚴重  
高淳縣志 卷十九 列傳 篤行 二十七  
言笑不苟士林重之

吳本字立夫生平尙義周濟貧苦無論遠近一有善舉知無不爲  
爲亦不令人知邑侯義之延爲鄉飲介賓子二惟剛惟柔俱年  
高德邵有父風同族有吳宗元吳宗望吳中階吳漸鴻吳之麟  
吳惟彙吳汝倫吳中英吳觀昌吳錦吳正身吳其恩吳治吳乃  
昌其善行屢經各憲嘉獎洵鄉黨中卓有可風者

陳尙耀儒士字逸畊品行端方忠厚和平周急濟困邑侯學師嘉  
其義而登賓筵

吳琪號秀岩優附貢生才識明鍊歷辦地方公事最肯認真不避  
嫌怨不思肥己咸豐庚申避亂在外日久抑鬱以終

王建極號錫堂郡庠生厚重寡言有至性因父母早卒事長兄如  
父析居時資產特取其薄頗有漢薛包之風兼工詩游姑蘇有

一縷淡雲花市幕三更明月酒家樓之句

楊居安字傳順篤於倫常尙廉隅寡嗜欲口不道阿堵物而喜張濟寒士

夏雲屏抱負不凡以孝友著少事鄒文莊公得其學崇朱程宗旨不屑侈談元渺兼能詩

甘昌瑞嘉慶年間修北門外石路三里行人便之

姜朝聘貢生事親孝待弟友邑侯給匾旌之同族有姜開賢姜朝蘭亦鄉里中望重者

夏昌人有孝行水災民困乞請減稅人多德之同族有夏諒夏之益夏恒一夏際雲夏廻胡夏慎修夏傳鈞夏毓安其行誼亦均有可稱以上舊志

陳嘉謀字誨卿邑諸生就職光祿寺署正積學工文持身清正父高淳縣志

卷十九

列傳 篤行

三

淇服官晉省謀隨侍任所父卒後扶柩回里奉母課弟毫不染紈袴習氣莘莘以讀書敦品爲志督辦救生局籌建襟湖大橋潔已從公勤勞卓著咸豐兵燹救生局盡燬一空謀籌款興修構置局房製造紅船辛苦備嘗卒復舊額光緒壬午重修縣志謀筆墨居多尤難者兵燹時粵匪踞城以謀世家重望擬授偽職百端羅致謀與弟嘉德輾轉逃避卒不受絲毫垢污以是鄉望尤推重焉年逾八十光緒丙子重游泮水子四長廣次輔孫維寶維恤曾孫曜俱入邑庠

陳嘉德字庶軒嘉謀弟也性孝友敦品勤學弱冠以縣試冠軍入郡庠舉咸豐初孝廉方正粵寇擾境避亂鄉間絕迹城市者數年恢復後勸農清查 文武廟 文昌宮各要公次第興辦心力交瘁淳邑虛糧賠累近數百年德倡首陳請豁免苦口呼籲

歷五年之久不奉恩准豁錢二萬緡晚年復與兄嘉謀重修縣志負一邑三子者垂三十年子孫眾多家庭肅穆與其兄友愛備至垂老猶怡怡然年逾七十卒子七人長子驥第六子驪孫紹達紹忠俱邑庠生紹恕縣視學

邢士楨字容軒歲貢加國子監典籍銜性耿正篤志勤修同治間兵亂後百廢待興士楨董書院事凡百公務悉心釐訂卓然爲一邑典型歷任蕭縣桃源縣訓導清河縣興化縣教諭海州直隸州學正士林翕服無間言晚年復經修縣志成豐時兵燹賊酋將折毀其宗祠士楨百計營救始得免邢姓故大族主持宗務者數十年子七人長濟川字春帆附貢生樂善好施長蘆理仁局曰湖惜字局捐貲頗巨餘亦各能世其家業

孔昭雲字升階恩貢生就職教諭品端學粹性情溫厚和平未嘗有疾言遽色邑中公務如書院倉廩文武廟明倫堂聚星閣保聖寺諸巨工經理皆井井有條在一族則保護宗祠督修譜牒興復固城湖口燈臺曾遠赴山東奉衍聖公劄委任族長族中人咸仰賴焉光緒辛巳復經修縣志性灑落好吟詠晚年自號固湖逸叟著有詩稿一冊學憲宜給以名世貞儒匾額

夏煥勛字麟臺歲貢生候選訓導敦品力學禮法自持書法秀雅可觀兼工岐黃業僑寓蘇城有年晚年寄迹滄溪教讀之暇醫活多人曾捐葺該處石路弟周勛字雲臺亦歲貢積學工文且知醫僑寓省城行道多年性篤誠人皆愛重之

陶汝鼎字紫霞邑增貢生性敦厚勤學董書院事有年邑中各要公如縣署倉廩救生局明倫堂聚星閣各工程悉心籌畫無不條理秩然歷任沛縣阜甯縣訓導通州直隸州學正所至士林

愛戴子四人長需增次濬增四高增俱邑庠生

張桂林字馨山增貢生少年失怙遵母訓篤志讀書性廉正能任地方事身任鄉董在書院辦公幾四十年爲一邑所倚重光緒初元議舉孝廉方正桂林謙却力辭乃止在鄉里善率族眾倘有爭競得桂林理斷輒悅服而去以是張氏子孫無赴訟公庭者他姓亦薰其德訓子弟以張氏爲法七旬時知縣李普潤贈以齒德俱尊匾額蓋寶錄也年八十卒二子貞幹國學生傳銘廩生

趙貴珍字荆山以例貢膺五品封典性豪邁熱心時事地方要務如書院糧倉大成殿尊經閣聚星閣文星塔龍城寺塔暨祠廟橋梁諸巨工皆其一手經理在族中則家祠宗譜規畫咸井井有條加惠本宗每歲終某某給錢若干某某給米若干率以爲

高淳縣志

卷十九

列傳 篤行

三

常其隨地措施善行殆不勝枚舉尤難者咸豐初粵賊肆橫某酋在建平燒殺淫擄幾無噍類會移淳境民方震恐無計貴珍邀於途迎至家款以殊禮百端勸諷酋感其言蒞淳後一反建平所爲蓋貴珍性慷慨能應權變善乘閒進言故卒挽逆賊之心變殘暴而爲慈仁淳邑數十萬生靈永賴焉其陰爲地方造福殆無涯矣貴珍雖不以讀書成名而胸羅史事書法秀媚有姿致二子長恭附貢生次莊廩貢生子孫現正蕃衍蓋陰德之報云

葛廷舉字子賢邑廩生意氣慷慨能幹事性尤至孝早失怙奉母色養備至事事必稟母命每逢母怒率妻子跪膝下受譴責必待母顏霽而後敢起或在外聞母命傳呼無分兩夜必速返無片刻延焉延師課子必誠必敬奉師幾若神明論者謂其事親

之孝奉師之敬殆爲一邑所罕有其任地方事如督修圩堤清  
釐文塾恢復公祠暨書院糧倉諸要公勞勩最爲卓著子文鼎  
邑庠生

陳馥字蕙亭邑優增生性孝友爲學務求實際言動不苟禮法自  
持見之者貌爲之肅預修族譜並經理本房祭產必慎必詳刻  
有文昌帝君戒色文詳爲註解著戒淫七言歌附於後其言愷  
切動人洵爲勸世善本惜年不永未竟其志識者惜之

施偉字卓齋邑文生父珍兄仁均歲貢偉幼穎悟童時卽不好嬉  
戲喜談忠孝果報事性樸實不慕世俗榮利每絛袴少年稠人  
廣坐而偉敝衣破履廁其間自若也事親孝謹母嘗病日痛甚  
偉日舐其目焚香拜禱刺指血入藥中進母洗而服之遂瘳其  
與人交和厚中有介節鄉鄰爭曲直多赴愬而待解紛焉宣統

高淳縣志

卷十九

列傳

篤行

三

末聞武漢起兵撫膺歎息著革黨論以斥其非迨紛傳清帝遜  
位潛具衣冠北向再拜並詣祠墓叩別從容赴水自盡篋中留  
絕命詞及訓子姪遺命若干言並七言律絕數首其七律云觸  
處干戈願已違綱常二字日全非揚旌誰復朝金闕殉節何妨  
到布衣不惜精魂隨逝水長留正氣伴斜暉有人今夜窺天象  
一點星光落少微人爭誦之偉素勤學兼通星算醫卜六壬奇  
門等書言多奇中殉節時年四十四聞者莫不流涕

王材鏐字松甫少讀書四書五經已畢讀會洪楊亂作奉父母避  
亂當塗窘甚無以爲炊乃以小本營生購米煮粥以供堂上已  
則掘草根雜糠屑食焉父卒後奉母尤謹母病割股和藥以進  
遂以告痊後居母喪哀毀盡禮其生平誠篤不欺嘗貸友銀友  
暴亡人無知者鏐如數措銀償焉經理族務有年族人無不欽



佩年逾七旬微疾端坐而逝子嘉勳廩貢生

史兆魁字斗文廩貢生爲人正直和平任鄉董有年一方推重光緒間預修縣志同時卜慶祥字心齋唐景雲字彩章均附貢生公正樸實熱心公益鄉里交推之俞芳字雲程例貢亦兆魁時書院董經辦邑中鄉中各公務潔已奉公勤勞卓著

谷陽生字箕亭附貢生素性挺直言坊行表預地方事無不踴躍直前永豐圩當前清道咸同三朝墮隄低塌屢遭冲决人咸苦之陽生於光緒己卯集同圩陳治錢炳谷蘭馨劉成渝陳錫祺等定章督修終日梭巡力任勞怨農民無敢延玩者圩隄遂堅厚異常至今利賴壬午預修縣志戶口田賦一門以兵亂後舊籍散失陽生專任纂輯稽核鉤算心力交勞在局閉窗殆兩月餘卒無毫髮漏謾董書院事十餘載於公務裨益頗多子六人

高淳縣志

卷十九

列傳 篤行

三

長會珍邑庠生

谷蘭馨字松巖例貢六品頂戴性勤篤能任事書院縣署明倫堂尊經閣諸要務皆其畢力經營尤關心圩務光緒辛丑永豐圩以水大幾殆蘭馨時年已逾六十晝夜督救每狂風驟雨赤足張蓋行泥淖中其苦况爲年少輩所不易嘗衆咸感之搶救愈勤圩遂無恙

陳錫祺字祉亭附貢六品頂戴歷辦地方公務垂四十年人無間言晚年預修縣志並督修宗譜子四長廷策庠生同時有楊湘字曉秋任鄉董多年咸推爲忠厚長者光緒戊子重游泮水

萬奎藻字紫垣邑庠生性恬靜慎取予預脩縣志任地方要公不辭勞怨邑侯表贈以聯云風節爲貞金介石心神如秋月春雲子笏朝庠生

王廷謨字藍田性聰穎勤學年十三卽應童子試游庠後值粵匪陷淳永成鄉起義兵廷謨帶兇字營戰守有法事詳殉難史傳經傳中恢復後任清查董重建鄉塾創設義塚惜字局並重修縣志各要公凡熱心義務者必爲廷謨首屈一指子育英亦邑庠人貢周時有增貢周乃曦字東岩性耿直有爲清同光間與廷謨及史兆魁萬奎藻等同任公務廷謨等所爲無不預焉李鳴字九皋例貢生性情溫厚和平人咸推爲長者董書院事並辦本鄉公務數十年無間言年逾七旬府憲劉旌以額曰矩獲從心子四長上林季長青皆入邑庠孫遵唐宣統己酉拔貢生同族李成之亦例貢樸實廉明厯辦地方公益事邑侯李給以有功桑梓匾額

史良佐字相臣附貢生家貧力學事親孝謹生平和平正直取與高淳縣志 卷十九 列傳 篤行 三 必嚴任鄉董數十年不辭勞怨有爭執事必力爲排解鄉里多引重焉年逾七旬卒子尙青邑庠生

陳治字平章附貢生性敦厚勤謹兵亂後任鄉董清查田地事必躬親所製魚鱗冊各鄉咸奉爲模範焉光緒間預修縣志又例貢劉成渝性孝友一介不苟董書院事凡鄉中清查墾荒築圩諸務無役不從於鄉村風化所關尤能直言無隱

胡儒珍字璞山性醇謹生平無偏規越矩事奉母至孝以家貧母不曾御皮衣也遂終身不衣皮撫字寡弟媳及孤姪爲之經營家室心力交瘁硯田糊口殆三十年其文筆清真雅正一如其人尤長於算學祇以數奇僅由上舍貢成均而次子文蔚以優級師範得師範舉人則乃父遺澤也

陳驪字智珠孝廉方正嘉德第六子也以附貢就職翰林院待詔

性精明有學識游岸後以世族預地方事最早學校倉廩保甲  
慈善以迄河渠橋塔各要務皆預謀畫凡有疑難大計輒決以  
一言成績昭然在人耳目間晚年以病困不能到場咸如失左  
右手焉子三紹忠紹恕紹恩咸克紹家學

趙恭字肅夫附貢生磨五品贈封質美好學未弱冠縣試冠其曹  
性孝友曾割股療父病於其弟莊少時雖甚愛之而督責頗嚴  
弟亦知感能自樹立後以父命兼服賈而圖書滿架手不停披  
所交必慎擇留心時務並重陰陽遠赴如皋育嬰堂領女孩廿  
餘給鄉里之貧不能娶者預公事亦懇勤周至裨益頗多

孫上珍字璠源邑增生性耿介沉靜寡言中年益務好修砥德行  
集同志組織惜字會僱夫檢字並施藥施棺置產以垂久遠

陳大猷字東郊邑庠生率性敦品光緒間倡設惜善會經辦施藥  
高淳縣志 卷十九 列傳 篤行 三  
檢骨等事置產垂久鄉里賴之同時有丁鰲字海川亦能敦行  
盡孝友爲眾所推

陳寶箴字子良郡庠生性敏慧讀書過目成誦生平律己頗嚴耿  
正自持有紛難事經其判決卽釋然任東壩義倉董並籌辦三  
鄉自治總局民團規畫周至衆咸倚之惜年未及艾卒

論曰嘗讀五代史至一行傳未嘗不嘆歐公用意之忠厚而寄托  
深遠也蓋當五季凌夷之際論人較難其一節著聞必取而表  
章之於以砥頽波而振末俗其關係人心世道豈小補哉淳風  
土厚重不浮人敦信義曲謹自好之士至不勝數而內行修明  
好行其德足以發聞鄉里者正不乏人稍爲別擇而撰次之非  
曰揚厲蓋著其實云嗚呼匹夫爲善於家雖含光韜采而其不  
可磨滅者自在也語云十步之澤必有芳草十室之邑必有忠  
信昔賢謂謂世無好人非長者之言豈不信哉豈不信哉

